

Samningur

Mennta- og menningarmálaráðuneyti, kt. 460269-2969, í samningi þessum nefnt ráðuneytið, og Bridgesamband Íslands kt. 480169 - 4769, gera með sér svofelldan samning um ráðstöfun á framlagi á fjárlögum til starfsemi Bridgesambands Íslands.

1. Markmið

Markmið með samningi þessum er að styrkja starfsemi Bridgesambands Íslands. Hlutverk þess er m.a. að efla mótahald, útbreiðslu og fræðslu í bridge á landsvísu, auka upplýsingagjöf um bridge og koma fram erlendis fyrir hönd bridgehreyfingarinnar.

2. Forsendur samnings og lagaheimildir

2.1. Fjárframlag ráðuneytisins til samnings þessa er ákveðið 13 m.kr. í fjárlögum ársins 2016.

3. Ábyrgð

3.1. Bridgesamband Íslands sér um og ber ábyrgð á að fjárframlag fari til starfsemi sambandsins.

3.2. Bridgesamband Íslands skal geta lagt fram gögn og skýrslur þessu til staðfestingar, sé eftir því leitað.

3.3. Bridgesamband Íslands ber ábyrgð á skuldbindingum sem það eða aðilar á þess vegum stofna til í tengslum við samning þennan.

3.4. Bridgesamband Íslands er óheimilt að:

3.4.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.

3.4.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsverð nr. 75/1997.

4. Upplýsingar, samskipti og eftirlit

4.1. Ráðuneytið hefur eftirlit með framkvæmd samningsins.

4.2. Ráðuneytið greiðir Bridgesambandi Íslands árlegt framlag inn á bankareikning þeirra hjá viðskiptabanka í tólf jöfnum hlutum og er miðað við að greiða fyrsta dag hvers mánaðar.

4.3. Fyrir lok mars skal Bridgesamband Íslands skila ráðuneytinu áætlun um rekstur og starfsáætlun yfirstandandi árs, þar sem fram komi m.a. hvernig áætlað er að ráðstafa framlaginu og helstu markmið sem unnið er eftir. Einnig skilar Bridgesambandið upplýsingum um ný verkefni eða breytingar sem kunna að verða á rekstri Bridgesambandsins á næsta starfsári.

4.4. Ráðuneytið boðar fulltrúa Bridgesambands Íslands a.m.k. á einn formlegan fund á ári um framkvæmd samningsins.

4.5. Bridgesamband Íslands ber að skila ráðuneytinu upplýsingum sem það kallar eftir vegna opinberrar upplýsingagjafar. Bridgesamband Íslands veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytinu er heimilt að framkvæma eða fela öðrum að gera athuganir og úttektir á framkvæmd samningsins. Við eftirlit hefur ráðuneytið aðgang að gögnum hjá Bridgesambandi Íslands sem við koma samningnum.

4.6. Gera skal grein fyrir framlagi ríkisins í ársreikningi Bridgesambands Íslands. Ráðuneytinu er heimilt að birta gögnin á vef sínum.

- 4.7. Bridgesamband Íslands skilar ráðuneytinu greinargerð um framkvæmd samningsins og hvernig styrknum var ráðstafað og endurskoðuðum ársreikning ársins á undan með skýringum, fyrir lok nóvember ár hvert og skal afrit jafnframt sent Ríkisendurskoðun.
- 4.8. Eigi Bridgesamband Íslands í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.


5. Vanefndir og meðferð ágreinings

- 5.1. Bridgesamband Íslands tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir frá úrræðum sem það hyggst grípa til.
- 5.2. Ráðuneytinu er heimilt að draga úr, stöðva og endurkrefja um greiðslur uppfylli Bridgesamband Íslands ekki skyldur sínar samkvæmt samningi þessum.
- 5.3. Samningsaðilar munu leitast við að jafna ágreining, ef einhver er, sín á milli.
- 5.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


6. Gildistími

- 6.1. Samningurinn gildir frá 1. janúar 2016 til 31. desember 2016.
- 6.2. Hvor aðili um sig getur óskað eftir því að einstök ákvæði eða verkefni samningsins eða samningurinn í heild verði tekin til endurskoðunar séu færð fyrir því efnisleg rök. Endurskoðun skal þá hefjast svo fljótt sem verða má.
- 6.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara.
- 6.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík, 10. mars 2016



Karitas Gunnarsdóttir
Starfandi ráðuneytisstjóri



Jafet Ólafsson
forseti Bridgesambands Íslands